

Ang Ginghamarian sa Dios

Mateo 6:9-10

Tanang Cristohanon magaampo maingon sa gisulti ni Jesus: “Paanhia ang Imong ginghamarian, matuman ang Imong kabubut-on dinhi sa yuta, maingon sa langit”

Busa mao kini ang **Ginghamarian sa katawhan** nga nagasugid nga dili kini mao ang ilang pinuy-anan. Dili kini atong pinuy-anan. **Kita nagapaabut sa pag-anhi sa Hari aron sa pagpahimutang sa Ginghamarian.** [1]

Ug sa San Juan 14:1-3 atong mabasa: “*Sa balay sa Akong Amahan anaay daghang puyanan (kon: sa Ginghamarian sa Akong Amahan anaay daghang mga palasyo); kon dili pa, moingon ba unta Ako kaninyo nga moadto Ako aron sa pag-andam ug luna alang kaninyo. Ug sa mahiadto na Ako ug makaandam na Akog luna alang kaninyo, moanhi Ako pag-usab ug pagadawaton Ko kamo nganhi uban Kanako, aron nga diin gani Ako atua usab kamo.*”

Ug atong makita ang kahimtang sa panahon. Atong makita ang kahimtang sa katawhan. Atong makita ang kahimtang sa politika. **Atong makita ang kahimtang sa kalibutan.** Dili kini makabarug. **Maunlod kini sama sa Titanic.** Mapukan kini. Kay ang usa ka nasud kinahanglan mapukan aron paghatag ug lugar sa laing nasud samtang kini mapukan. Ug kining ginghamarian kinahanglan mapukan ug ang matag laing ginghamarian **aron paghatag ug lugar nianang Ginghamarian nga moabut nga dili mapukan.** Kay kita magadawat ug usa ka Ginghamarian nga dili matarug [2] – **usa ka walay katapusang Ginghamarian** [3] (*Heb. 12:27-29*).

Matag kagamhanan ginagamhan sa yawa. **Adunay moabut nga kagamhanan nga pagagamhan ni Cristo; apan kana sa milenyum.** Apan kining pangagamhanan karon, bisan unsaon nato sa paghunahuna pag-ayo sila, bisan pa niana sa ilang luyo sila ginagamhan ni Satanas. **Si Satanas mao ang pangulo sa tanang politikanhong gahum sa matag nasud.** Si Jesus gidala ni Satanas ngadto sa usa ka hataas nga bukid, ug iyang gipakita Kaniya ang tanang mga ginghamarian sa kalibutan nga anaa sukad kaniadto, kon maanaa gayud sa usa gutlo sa panahon. “Kining mga ginghamarian,” siya miingon, “akong gipanag-iyay; buhaton ko kanila ang bisan unsang buhaton ko kanila. Akong ihatag sila Kanimo, **kung mosimba Ikaw kanako.**” Unya si Jesus miingon kaniya: “Pahilayo Kanako, Satanas, kay nahisulat kini, maoy simbaha ang Ginoo nga Imong Dios, ug Siya lamang ang alagara,” (Mateo.4:8-10). [4] si Jesus wala gayud nakiglantugi kaniya. [5] Siya nahibalo nga Siya mahimong manununod nianang mga ginghamarian. [6]

Si Satanas nagtinguha sa paghatag kanila ngadto kang Jesus nga walay paghalad. Nakita ninyo? Usa kini ka pagbaylo nga iyang gihimo ngadto Kaniya. Apan ang kalibutan nakasala, busa ang bayad sa sala mao ang kamatayon, ug kinahanglan nga Siya mamatay (*Roma 6:23*). **Mao kana ngano ang Dios nagpadayag diha sa unod aron Iyang makuha ang kamatayon diha**

Kaniya aron sa pagbayad sa silot. Kini sa hingpit walay bayad! Ang tanang utang gibayran (*Col. 2:13-15.1*). Kini Iya na karon. Ug kita mga **delegado sa Iyang Ginghamarian** nanagkatigum dinhi sa Ngalan ni Jesu-Cristo, ang atong Hari, nagalingkod diha sa langitnong mga dapit (*Efeso 2:6*). [5]

Si Satanas magasaad kanimo sa tanang matang sa saad, apan siya walay bisan unsa nga mahatag kanimo tungod kay siya walay bisan unsa. Siya walay kaluwasan. **Unsa si Satanas? Bisang unsang butang nga sukwahi ngadto sa Pulong.** Siya walay kaluwasan. Siya walay Kahayag. Ang Iyang ginghamarian kangitngit; ang katapusan niini mao ang kamatayon. ...Usab: **unsa ang ginghamarian ni Satanas? Bisang unsang butang nga sukwahi ngadto sa Pulong sa Dios.**

Karon, mao kana ang pagpul-ong, apan panahon kini sa pagpul-ong. Nakita ninyo? Ang sanga, ang kahoy, kung kini mamunga, kinahanglan pagapul-ongan. Panahon na.

Bisang unsang butang nga sukwahi ngadto sa mga lagda sa Dios, sa Pulong sa Dios, dili Dios. Unsa kini? Unsa ang sala? Pagkamatarung nga gituis. Unsa ang kamatayon? Kinabuhi nga gituis. Unsa ang ginghamarian ni Satanas? Bisang unsa nga nagapahiluna aron sa pagkuha sa dapit sa Pulong, bisang unsang butang, **bisang unsa nga pagpanudlo.** Usa ka pulong, usa lamang ka pulong. Tingali ikaw motoo sa matag tipik. Si Eva mitoo sa matag tipik Niini ngadto nianang usa ka Pulong. Kanang usa ka Pulong ang tanan nga gikinahanglan niya nga dili motoo. Kanang usa ka Pulong mao lamang ang tanan nga imong gikinahanglan nga dili motoo.

Karon, atong tan-awon kini. Ang paagi lamang nga magpabilin diha sa Diosnong pagk-ambitay mao ang pagtuman nianang Pulong. Ang Dios miingon, “Buhaton nimo kini. Ayawg buhata kini. Buhaton nimo kini, ug mahimong buhaton nimo kini ug buhaton kini. Apan ayawg buhata kini.” Karon, usa lamang kana sa gamayng bahin sa kasugoan nga wala niya tumana, ug gisugdan sa tibook butang... (**Gen. 2:15-17; Gen. 3:1-7**). Tungod kay ang babaye nagbuhat ni-ana, nakapahimo sa bata nga magutom nga mitungha sa kalibutan, matag kasakit sa kamatayon, matag kaguol, matag sakit sa kasingkasing. Iyang gibuhay kini kaniadto. Unsa ka makalilisang nga butang sa dili pagtoo sa Pulong sa Dios (**San Juan 16:9; San Juan 3:36**). [7]

Oh, **nagafiesta niining langitnong mga saad sa Iyang gisaad nga Pulong alang niining kapanahonan,** oh, sa nahibalo, uban sa hingpit nga pagsalig sa pagtoo, **nga adunay moabut nga bag-ong mga langit ug bag-ong yuta...** Amen. Bag-ong langit ug usa ka bag-ong yuta, kay kining nahaunang langit ug nahaunang yuta, si Pablo dinhi sa Basahon sa Mga Hebreohanon, siya miingon, “**Tungod kay kita magadawat ug usa ka Ginghamarian nga dili matarug**” (*Heb. 12:28*). Unsaon nato sa pagsulod ngadto niini? Dili pinaagi sa relihiyosong sistema, **apan usa ka Ginghamarian sa Dios nga anaa kaninyo. Ang Hari ug ang Iyang Pulong mao ra, ug kini anaa kaninyo, nagapanghimatuod sa takna nga atong gikinabuhian karon.** Ang saad nga gihimo sa Dios alang niining kapanahonan, dinhi ania kita, **nagkinabuhi kauban sa Hari, nagalingkod diha sa langitnong mga dapit, nagatan-aw Kaniya nga nagabuhay niining mga butang.**

Ug unsaon nato sa pagbiya nianang Pulong ngadto sa ubang sistema? Unsay mabuhat niini? Nagpanghimakak kini sa Pulong. Kinahanglan imong isalikway ang Pulong sa dili ka pa makabuhat ug sayup. Mao kana ang tinuod gayud. Motoo ba kamo niana? [3]

Mao kini ang panahon sa pagtay-og sa katawhan. Mao kini ang panahon nga ang Dios miingon nga adunay moabut nga panahon, Iyang gitay-og ang Bukid sa Sinai sa usa ka higayon apan adunay pagtay-og pag-usab, nga dili lamang niya pagtay-ogon ang Bukid sa Sinai, apan Iyang pagatay-ogon ang tanang butang nga Iyang matay-og (Heb. 12:18-26). Apan namatikdan ba ninyo ang ubang Kasulatan? **“Apan kita magadawat ug usa ka Ginghamarian nga dili matarug.”** Hallelujah. Ang tanang butang nga matay-og pagatay-ogon. Ang mga langit matay-og. Ang yuta matay-og. **“Ang mga langit ug yuta mangahanaw, apan kanang Pulong dili gayud mahanaw”** (Mateo 24:35). **“Sa ibabaw niining bato pagatukoron Ko ang Akong Iglesia, ug ang mga ganghaan sa hades dili gayud makabuntog Niini”** (Mateo 16:18-19). **Tanang butang nga matay-og pagatay-ogon. Apan kita magadawat ug usa ka Ginghamarian nga mao ang Pulong sa Dios sa Iyang kaugalingon, ug ang Dios mao ang Iyang Pulong.** Dili Siya magtay-og sa Iyang kaugalingon. Amen. Oh, tan-awa. Apan kita magadawat ug usa ka Ginghamarian nga dili matarug; dili kini matay-og, miingon si Pablo, ang Hebreohanon nga magsusulat. [8]

Sa Lucas 17:20-21, si Jesus miingon: *“Ang ginghamarian sa Dios moabut nga dili pagaubanan sa mga tilimad-on nga mapaniid; ug dili usab sila magaingon, ‘Dia ra?’ o ‘Tua ra!’ Kay tan-awa, ang ginghamarian sa Dios anaa ra sa taliwala ninyo.”*

Dugang pa atong mabasa sa Mga Taga-Colosas 1:27, v”*Gibut-an sa Dios ang pagpaila ngadto kanila sa kadaku gayud sa mga kadagaya sa himaya sa maong tinago alang sa mga Gentil, ang tinago nga si Cristo anaa kaninyo, ang paglaum alang sa himaya.”*

Kita nahiusa ilalum sa Usa ka gipanghimatud-an nga Pangulo; mao kana si Cristo, ang Pulong sa Dios, dili ilalum sa bisan unsang simbahan. **Nan ang atong pangulo mao usa ka Ginghamarian.**

“Ang Ginghamarian sa Dios anaa ra sa taliwala ninyo,” miingon ang Biblia—si Jesus. Kita dili usa ka denominasyon. **Kita nasakop sa usa ka Ginghamarian, ug ang Ginghamarian mao ang Pulong sa Dios nga nahimong Espiritu ug Kinabuhi sa atong kinabuhi, nagapatuman sa matag saad niining adlaw maingon sa Iyang gibuhat niana nga adlaw sa dihang ang Pulong ug ang Dios Usa.** Ug ang Pulong ug ang Dios Usa diha sa Iyang Iglesia karong panahona, magahimo niini nga Pangulo sa Lawas nga natubos sa pagdala sa mensahe sa katapusang adlaw ug pagakuhaon gikan sa patay diha sa pagkabanhaw (1 Cor. 15:51-53) sa pagbalik ug sa pagpahiuli pag-usab maingon kang Adam ug Eva sa sinugdan sa tanaman sa Eden. [9]

Makausa pa: I Mga Taga-Corinto 4:20 miingon **ang Ginghamarian sa Dios mao ang Iyang Pulong nahimong gahum.** Ang Ginghamarian sa Dios mao ang Pulong sa Dios nga nahimong gahum. Unsa ang Ginghamarian sa Dios? Anaa ra sa inyong taliwala. **Ang Ginghamarian anaa ra kaninyo.** Ug sa dihang ang Pulong moabut didto, unsay pagasugdan niining Pulong? **Magahimo sa Iyang**

kaugalingon nga gahum, maghimo Niini nga mosulti sa tukma gayud kung unsay Isulti Niini.

Magpabilin ikaw sa Pulong. Mao kana. Nakita ninyo? Ug maghimo Kini Niini nga gahum, “Si Jesu-Cristo mao sa gihapon kagahapon, karon, ug hangtud sa kahangturan.” (*Heb. 13:18*). Si Jesus miingon sa San Juan 14:12. [7]

“Siya nga motoo Kanako, ang mga buhat nga Akong buhaton pagabuhaton usab ninyo.” “Kung kamo magapabilin kanako, ug ang Akong pulong magapabilin kaninyo, managpangayo kamo sa bisan unsang butang nga buot ninyo, ug kini pagabuhaton kaninyo. Kung kamo magapabilin Kanako, ug ang Akong pulong magapabilin kaninyo...” (San Juan 15:7-8).

Tinuod nga ang dakung simbahan nagasidlak ug nagapangidlap uban sa hinashasang tey-olohiya, **samtang ang Ginghamian nagadan-ag uban sa pagkamapainubsanon, ang kabus ug mapainubsanon.** Ang Maayong Balita wala nagasidlak; Kini nagadan-ag. Ang mini nga bulawan nagasidlak; ang tinuod nga bulawan nagadan-ag. Adunay kalainan taliwala sa nagasidlak ug sa nagadan-ag. Nahibalo kita niana. Samtang ang dakung simbahan nagapangidlap ug nagasidlak uban sa hinashasang mga may kinaadman, maanindot nga mga bangko, krusipiho palibot sa bongbong, ug labing hatag-as ug labing maanindot nga mga katukoran ug mga gambalay, ug mga mahabog nga mga butang, tanan sama niana; ang gamayng Ginghamian, sa ubos sa ubang diyutayng agianan sama dinhi sa usa ka dapit **nagadan-ag uban sa himaya sa Dios, napuno sa pagpaubos sa kasingkasing,** ang Dios nagapamuhat diha kanila, nagaayo sa masakiton, ug nagabanhaw sa patay, ug nagpagula sa mga yawa, ug uban pa sama niana; nga gipasagdan lamang nila nga molabay. [10]

Usa ka tawo miingon kanako sa miaging adlaw, nagatindog ug nakig-istorya, siya miingon, “Buyno, unsang denominasyon ikaw nasakop?”

Ako miingon, “Wala.”

“Unsa?”

“Wala.” Ako miingon, **“Ako nasakop ngadto sa usa ka Ginghamian.”**

“Buyno, unsaon nimo sa pagpasakop niana?”

“Dili ka magpasakop niini; ikaw matawo diha niini.”

“Unsa nga Ginghamian kana?”

Ako miingon, “Espirituhanong Lawas ni Jesu-Cristo. pinaagi sa usa ka Espiritu kita gibautismo-han ngadto niining Lawas, natawo sa Iyang Espiritu, unya kita nasakop ngadto sa usa ka

Gingharian” (1 Cor. 12:13; San Juan 3:1-8). **Tungod niana, kita lahi nga tan-awon, kita lahi nga maghunahuna, lahi nga molihok, lahi nga magkinabuhi. Dili tungod kay kini usa ka katungdanan kon kita nasakop sa simbahan, apan tungod sa “ang gugma sa Dios ginabubo sa atong mga kasingkasing pinaagi sa Espiritu Santo” (Roma 5:5), naghimo kanato nga tagilungsod sa Gingharian sa Dios,** tungod niana walay denominasyon kon mga ali diha niana. Kitang tanan usa ka dakung Lawas. Ug ang atong mga kinabuhi dili mga Amerikano; dili kita mga German; kita walay bisan unsa; **kita mga Cristohanon.** Kita napahimutang ug nagalakaw diha sa Espiritu, naulipon sa gugma (gikan sa mga butang sa kalibutan). Ug ang atong mga katungod ngadto sa kalibutan gibaligya ug mipalit niining Mutya nga dakug Bili, ug nagalakaw ug mitugot sa Espiritu Santo nga magpadayag sa Iyang kaugalingon (Mateo 13:45-46). Mao kana kung unsa ang Iyang tinuod nga Iglesia. Mao kana kung unsa ikaw, kon unsa ako, **kung tugotan nato ang atong mga kaugalingon** ug mag-alagad sa Dios pinaagi sa Iyang Pulong ug dili pinaagi sa sulti sa ubang kredo. [9]

Ikaw nabautismohan ngadto niining Gingharian, ug walay bisan kinsa sa sulod didto gawas ikaw ug ang Dios. Nakita ninyo? Siya magahatag ug mga sugo, ug imong tumanon sila. Bisán unsa ang Iyang isulti, walay landong sa pagduhaduha sa bisan asa; ikaw magalakaw dayon. Kung ang Ginoo mosulti niini, walay bisan kinsa sa kalibutan nga mosulti nga mogawas gikan niini; ikaw molakaw dayon sa mao gihapon. [11]

Ang Dios naghimo ug plano alang sa tawo aron maluwas. Ug ang tawo dili makadugang ug bisan unsang butang ngadto nianang plano. Mao kana ang plano sa Dios. Ug mao kana ang plano nga buot natong pagatun-an. Unsa ang plano sa Dios? Siya miingon, “Himoa ang matag pulong sa tawo mahimong bakak (Roma 3:4), ang Ako Kamatuoran.” tungod niana, kita dili mangahas sa pag-usab ug usa ka han-ay sa mga pulong aron paghimo niini nga ubang butang pa. Bisán unsa ka daghan ang mga tulomanon ug uban pa nga mabasa, kinahanglan nga kalimtan nato kana. Mao kini ang Pulong sa Dios. Dili gayud mahimo sa laing paagi. Ang Dios adunay plano; Siya naghimo ug plano.

Ug, hinumdomi, ngadto sa nahaunang butang, **hangtud nga ikaw matawo pag-usab ikaw dili gayud makasabut.** Makaduha Siya namulong niini. “*Gawas kung ang tawo matawo pag-usab dili siya makasulod sa Gingharian. Gawas kung ang tawo matawo pag-usab sa tubig ug sa Espiritu, dili siya makasulod sa Gingharian sa Dios.*” (San Juan 3:3-5). Karon, kana may panulbok usab. Ang pulong, sa paghimo sa tanan nianang mga pulong, sila nagsulti kanako nga kinahanglan ilang isulat kini, sila, ug sa dihang sila miingon, “Sa pagkatinuod, sa pagkatinuod,” kana panulbok, sama sa dakung titik. “Sa pagkatinuod, sa pagkatinuod, Ako magaingon kaninyo.” ug ang pulong diha sa usa ka dapit, kon sa daghang mga dapit, kini gihubad nga “sa hingpit”: “Sa hingpit, sa hingpit, Ako magaingon kaninyo.” Kinsa ang miingon niana, ang cardinal ba, pari, pastor, ebanghlista, papa? Ang Dios sa Iyang kaugalingon. Karon, walay mga ikatarungan. Siya dili gayud, dili gayud, dili sa bisan unsang laing paagi, bisan kung unsa ka daku siya, kung unsa ang iyang ngalan, unsa ka daku siya, kon unsa ka ilado siya, **siya dili gani makasabut sa Gingharian sa Dios hangtud nga siya matawo pag-usab.** Usa kini ka dakung butang hilisgutan. “Sa

pagkatinuod, sa pagkatinuod, Ako magaingon kaninyo.” Bantayi. Lakaw kuhaa ang Greigo nga hubad; imong makaplagan: dili makita sa imong mga mata, **ikaw makakita sa imong kasing-kasing. Nakita ninyo, dili ka makakita sa Ginghamarian sa Dios uban sa imong mga mata, tungod kay kini usa ka espirituhanong Ginghamarian.** Nakita ninyo? Sa laing mga pulong, “Dili ka gayud makahimo sa pagsabut sa Ginghamarian sa Dios gawas kung ikaw matawo pag-usab.” kining tanan tinago nga wala mapadayag. Ug sa dihang ikaw matawo

pag-usab, ang mga plano sa Ginghamarian, ang Ginghamarian sa iyang kaugalingon mahimong tinuod kanimo.

Sama sa kontraktor nga nagatukod sa gambalay, hangtud nga siya makabasa sa blueprint, walay kinahanglan kaniya nga mosulay sa pagtukod sa gambalay, kung siya dili makasabut sa blueprint. Ug unya sa dihang siya makasabut sa blueprint, unya siya mahibalo unsaon sa pagtukod sa gambalay. Mao kana ang paagi niini. Mao kana kung unsa ang mahitabo mahitungod sa pagtukod sa Ginghamarian sa Dios. Kinahanglan ikaw makasabut sa blueprint, **ug ikaw dili mahibalo sa Blueprint hangtud ikaw matawo pag-usab.** [12]

“Buyno, ako nagpuyo sa Amerika.” Buyno, kana wala makahimo ug bisan unsang kalainan. Kana dili makahimo kanimo ug bisan unsang butang. Ang Dios dili magtagad kanako tungod kay ako usa ka Amerikano. Siya dili magtagad sa usa ka German tungod kay siya usa ka German, kon usa ka Polish tungod kay siya gikan sa Poland. Siya dili magtagad sa Afrikano tungod kay siya gikan sa Afrika. Ang Dios dili interesado sa Afrika, ni interesado Siya sa Germany, kon Siya interesado sa United States. **Ang Dios interesado sa usa ka Ginghamarian, ug mao kana ang Ginghamarian sa Dios,** ug ang mga tawo nga gikan sa tanang mga nasud nga mosulod ngadto Niini. Ug sila natawo ngadto Niini pinaagi sa Kaliwat ni Abraham, nga mao si Jesu-Cristo, ug mga manununod sumala sa saad (*Gal. 3:16*).

Si Daniel nakakita Kaniya ingon nga usa ka Bato gikan sa bukid, miligid ug miigo sa larawan diha sa mga tiil, ug midugmok niini, **ug ang Ginghamarian sa Dios mitubo** (*Daniel 2:31-35*). Sa dihang si Cristo magahari sa milenyum, didto wala nay sakit, walay kaguol. Tanan, tanang mga armas pagahimoon nga daro, ug wala nay gubat (*Miqueas 4:1-3*). Mao kanang tanan. Matapus ang tanan sa dihang moabut si Jesus. Hangtud unya, samtang si Satanas magabuot sa mga nasud, nan adunay mga gubat ug mga dungogdungog sa mga gubat hangtud moabut si Jesus. Amen.

Ug ako magasulti akong Cristohanong higala, bisan kung unsa nga simbahan ikaw naskop, bisan asa ikaw, **ug ikaw wala nakasulod ngadto sa Ginghamarian sa Dios pinaagi sa bautismo sa Espiritu Santo** nga magadala kanimo ngadto sa Lawas ni Cristo, ikaw mosulod karon, kay wala ikaw mahibalo kung unsang orasa Siya moabut. [6]

Ang Dios usa ka balaan nga Dios. **Ug sa dihang ang tawo matawo sa Espiritu Santo,** siya usa ka kandidato. Siya dili mao lamang kana, apan siya usa ka **hari, siya usa ka prinsepe. Siya gikan sa laing nasud. Ang iyang Ginghamarian gikan sa itaas.** Siya napuno sa gahum sa

sa masanag nga bag-ong milenyum alang sa kapanahonan nga umalabut. Sa dihang atong makita ang tanan niining dakung tulo ka pilo nga mga pinadayag: Ang Dios diha kang Cristo, si Cristo diha sa iglesia, ang Ginghamian nga umalabot, si Adam ug Eva gitubos pagbalik ngadto sa taman-an sa Eden diha sa pagrepresenta ni Cristo ug sa Iyang Pangasaw-onon, ug unya ang Ginghamian nga ipahiuli sulama sa Iyang saad.

Ang katuyoan sa Dios mao: Nahauna, **aron sa pagpahayag sa Iyang kaugalingon sa hingpit: ang Dios diha kang Cristo. Ikaduha, molabaw sa tanan pinaagi niini diha sa Iyang Iglesia (nga mao ang Iyang Lawas, Pangasaw-onon) aron...** Siya makahimo nga molabaw sa tanan sa pagpadayag sa Iyang kaugalingon pinaagi kanila.

Ug ikatulo, **sa pagpahiuli sa Ginghamian ngadto sa iyang hustong dapit nga nahulog pinaagi sa sala pinaagi sa nahaunang Adam, balik ngadto diin Siya nagalakaw diha sa kabugnaw sa kahaponon kauban sa Iyang katawhan, makigsulti kanila, makig-ambitay uban kanila** (*Gen. 2:15-17; 3:8*). [9]

"Ang kasugoan ug ang mga profeta milungtad hangtud sa pag-abut ni Juan; ug sukad niadtong panahona ginawali ang maayong balita mahitungod sa ginghamian sa Dios, ug ang matag-usa ka tawo nagasulod niini sa linugsanay" (*Lucas 16:16*)

Dili lamang sa kasayon nga magalakaw ngadto niini, apan kinahanglan nga mosulod nga linugsanay. Nakita ninyo? *"Karon, sa dihang kamo magpangita Kanako sa tibook ninyong kasingkas-ing, nan Ako makaplagan"* (*II Cronicas 15:15; Jer. 29:13-14*). [15]

Ako nagatoo nga adunay Pangasaw-onon nga gipili nang daan. Ako nagatoo nga ang Dios miingon nga Siya makabaton ug Iglesia nga walay mansa kon kunot (*Efeso 5:27*). **Ako nagatoo sa pagkapinili nang daan, nga ang Pangasaw-onon gipili nang daan; kinahanglan nga maanaa Siya didto. Ako naglaum nga ako makauban Kaniya. Nakita ninyo? Ako uban Kaniya. Karon, kini alang kanako kung akong trabahoon ang akong kaugalingong kaluwasan uban sa Dios hangtud kining mga butang gikauyonan sa Dios ug unya pagatimrihan ngadto sa Ginghamian sa Dios.** Mao kana ang Espiritu Santo. Mao kana ang tinuod nga mga buhat sa Dios. Gitimrihan kini hangtud sa adlaw sa pagtubos (*Efeso 4:30*). [16]

"Ug naghimo kanato nga usa ka ginghamian, mga sacerdote ngadto sa iyang Dios ug Amahan---kaniya ang himaya ug ang panggahum hangtud sa kahangturan. Amen." (*Pinadayag 1:6*).

"Siya naghimo kanato!" Oh, adunay mga kamatuoran nga kinahanglan natong ipatigbabaw. Mao kini ang usa kanila. Siya! **Siya nga naghimo kanato!** Ang kaluwasan mao kana ang Iyang buhat. **Ang Kaluwasan iya sa Ginoo. Ang tanan grasya. Siya nagtubos kanato alang sa usa ka katuyoan.** Siya nagpalit kanato alang sa usa ka katuyoan. **Kita mga hari, espirituhanon nga mga hari** (*I Pedro 2:9-10*). Oh, kita mahimong mga hari sa ibabaw sa yuta uban Kaniya sa dihang Siya magalingkod sa Iyang trono. **Apan karon kita mga espirituhanon nga mga hari ug**

kita nagahari sa espirituhanon nga gingharian. kini miingon sa Mga Taga-Roma 5:17, “*Kay kong, tungod sa paglapas sa usa naghari ang kamatayon pinaagi sa usa; labi na gayud ang mga nakadawat sa kadagaya sa gracia ug sa hiyas sa pagkamatarung, managhari sa kinabuhi pinaagi sa usa, nga si Jesucristo.*” Ug sa Mga Taga-Colosas 1:13, “*Nga mao ang nagluwas kanato gikan sa gahum sa mga kangitngit, ug nagbalhin kanato ngadto sa gingharian (magahari) sa Iyang hinigugmang Anak.*” **Karon kita nagahari kauban ni Cristo, nga adunay pagbulot-an ibabaw sa sala, sa kalibutan, sa unod, ug sa yawa. Nagapakita sa Iyang pagdayeg ug himaya; nagapakita sa IYANG KAUGALINGON, kay mao kini si Cristo sa sulod kanato, nagabuot ug nagabuhat sa Iyang maayong kahimut-an.** Oo, sa pagkatinuod, bisan karon kita nagalingkod diha sa langitnong mga dapit diha kang Cristo Jesus (*Efeso 2:6*).

“Ug naghimo kanato nga mga sacerdote.” **Oo, mga sacerdote ngadto Kaniya, nagahalad sa espirituhanong pagdayeg pinaagi sa nabalaang mga ngabil.** Nagagugol sa atong mga kinabuhi ingon nga matam-is nga halad ngadto Kaniya. Nagasimba Kaniya diha sa Espiritu ug diha sa Kamatuoran (*San Juan 4:24*). Napataliwala ug nagapangamuyo. Mga sacerdote ug mga hari ngadto sa atong Dios. Dili ikatingala ang kalibutan dili modangop kanato ug **kita mao ang pinasahi nga katawhan masibuton ngadto sa maayong mga buhat** (*Titu 2:13-14*). Kita gibuhat pag-usab diha Kaniya nga mahimong mga anak sama ngadto sa atong Amahan. [17]

Reperensya:

- [1] “Unsaon Nako Sa Pagdaug” (63-0825M), par. 19
- [2] “Ang Obra Maestra” (64-0705), par. 77
- [3] “Ang kalibutan Nahugno Pag-usab” (63-1127), par. 109 / 172-173 / 175-177
- [4] “Labaw Sa Tanan” (62-1230M), pahina 5
- [5] “Mga Butang Nga Mahitabo” (65-1205), par. 54
- [6] “Ang Israel Ug Ang Iglesia, Bahin 2” (53-0326), par. 48, 50, 51, 53
- [7] “Pagkausa” (62-0211), par. 55-58 / 186-188
- [8] “Sa Iyang Presensya” (62-0909E), par. 35
- [9] “Si Cristo Mao Ang Tinago Sa Dios Nga Napadayag” (63-0728), par. 528-529 / 386-387 / 587-580 / 154-156
- [10] “Paradoks” (61-1210), par. 208
- [11] “Hingpit Nga Pagtoo” (63-0825E), par. 114
- [12] “Kinahanglan Matawo Ka Pag-usab” (61-1231M), par. 42-44
- [13] “Tingog Nga Dili Matino” (60-1218), par. 438
- [14] “Umalabot Nga Bagyo” (60-0229), par. 84
- [15] “Desperasyon” (63-0901E), par. 43
- [16] “Masipalahong Mga Ngalan” (62-1104M), pahina 26
- [17] “Ang Pinadayag Ni Jesu-Cristo”, Kapanahonan-Sa Iglesia- Basahon pahina 35-36

Spiritual Building-Stone No. 183 from the Revealed Word of this hour, compiled by:
 Gerd Rodewald, Friedenstr. 69, D-75328 Schömburg, Germany
 www.biblebelievers.de, Fax: (+49) 72 35 33 06

There's coming one with a Message that's straight on the Bible, and quick work will circle the earth. The seeds will go in newspapers, reading material, until every predestinated Seed of God has heard It. [Bro. Branham in „Conduct-Order-Doctrine“, page 724]